



Broj:02-30-187-1/26
Fojnica, 29.01.2026.godine

Na osnovu člana 21.Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05), Odluke o potrebi prijema namještenika u radni odnos, broj:02-30-187/26 od 28.01.2026. godine i člana 39.Statuta Općine Fojnica - Prečišćeni tekst („Službene novine Općine Fojnica, broj: 2/15), Općinski načelnik objavljuje

INTERNI OGLAS
o preuzimanju namještenika iz drugog organa državne službe u radni odnos na neodređeno vrijeme u Općinskom organu uprave Općine Fojnica

Pravo prijavljivanja imaju svi namještenici iz organa državne službe svih nivoa vlasti u Federaciji Bosne i Hercegovine.

Interni oglas raspisuje se za radno mjesto:

1.Viši referent za geodetske poslove katastra nekretnina – jedan izvršilac na neodređeno radno vrijeme

Opis poslova:

Opis poslova:

- utvrđuje nastale promjene na zemljištu po službenoj dužnosti,
- vrši sve poslove iz oblasti održavanja premjera i katastra zemljišta,
- vrši cijepanje parcela, uslovna cijepanja, formiranje građevinskih parcela i snimanje novosagrađenih objekata,
- obavlja sve kancelarijske poslove vezane za geodetsku oblast,
- vrši kartiranje snimljenih promjena na originalnim planovima kao i na indikacionim skicama, te računanje površina i izradu prijavnih “A” i “B” listova,
- vrši otkrivanje i razvijanje trigonometrijske i nivelmanske mreže, glavnih poligonih vlakova, njihovo opažanje, kao i računanje koordinata,
- vrši mjerenje, registrovanje poligonske i linijske mreže,
- vrši povjerene poslove na uspostavi digitalnog katastra kao i katastra komunalnih uređaja,
- vještači u oblasti geodetskih poslova,
- vrši geodetsko snimanje parcela i objekata i određivanje visina tehničkim i detaljnim nivelmanom,
- izrađuje jednostavnije programe za automatsku obradu podataka,
- vrši mjerenje i računanje geodetske mreže za manje lokalitete,
- vrši parcelaciju i računanje površina,
- vrši geodetsko snimanje parcela i objekata,
- vrši iskoličenja objekata i zemljišta /uslovno cijepanje/ i prenos projekta na teren,
- vrši i druge poslove iz oblasti radnog mjesta, a za svoj rad neposredno je odgovoran pomoćniku načelnika.

USLOVI:

Opći uslovi:

Opći uslovi iz člana 24. Zakona o namještenicima u organima državne službe u Federaciji Bosne i Hercegovine (državljanstvo BiH, punoljetnost, opća zdravstvena sposobnost za obavljanje poslova radnog mjesta, vrsta i stepen stručne spreme potrebne za obavljanje radnog mjesta, da posljednje dvije godine od dana objavljivanja oglasa nije otpušten iz državne službe kao rezultat disciplinske kazne na bilo kojem nivou vlasti u Federaciji BiH, odnosno BiH, da nije obuhvaćen odredbom člana IX Ustava BiH)

Posebni uslovi:

- SSS - IV stepen školske spreme – završena tehnička škola geodetskog smjera,
 - položen stručni ispit
 - najmanje deset (10) mjeseci radnog staža,
 - poznavanje rada na računaru
- Uz prijavu na Interni oglas dostaviti sljedeću dokumentaciju (original ili ovjerena kopija)

- kratka biografija
- diploma o završenoj školskoj spremi
- dokaz o položenom stručnom ispitu
- potvrda o radnom stažu
- dokaz o poznavanju rada na računaru
- dokaz (uvjerenje ili potvrda) da je kandidat u radnom odnosu na poslovima namještenika u organima državne službe
- uvjerenje o državljanstvu
- izvod iz matične knjige rođenih
- ovjerenu izjavu da u posljednje dvije godine od dana objavljivanja oglasa nije otpuštan iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine
- ovjerenu izjavu da kandidat nije obuhvaćen odredbom člana IX 1. Ustava Bosne i Hercegovine

Izabrani kandidat dužan je, prije preuzimanja dužnosti namještenika, dostaviti ljekarsko uvjerenje o općoj zdravstvenoj sposobnosti za obavljanje poslova radnog mjesta.

Rok za podnošenje prijave je 10 (deset) dana od dana objavljivanja u dnevnom listu „Oslobođenja“, a oglas će biti objavljen i na Web stranici i Oglasnoj tabli Općine Fojnica

Prijave na Interni oglas, sa traženom dokumentacijom dostavljaju se preporučeno na adresu:

OPĆINA FOJNICA,
ulica Bosanska 94,

sa naznakom: „Za Komisiju za provođenje Internog oglasa za prijem namještenika u Općini Fojnica – NE OTVARATI“. ili šalteru Općine Fojnica.

Nepotpune i neblagovremene prijave kao i prijave kandidata koji ne ispunjavaju uslove iz Internog oglasa neće se uzeti u razmatranje. Općina Fojnica ima pravo da poništi Interni oglas u svakom trenutku provođenja postupka.



OPĆINSKI NAČELNIK

Sabahudin Klisura, dipl. ing.